

OLA ta reta MEP bin cu prueba cu a bende SETAR

ORANJESTAD(AAN) -- Partido OLA a keda asombra cu e declaracion di MEP cu Minister Junior Croes y Henny Eman a firma pa bende Setar cu Fabela. Segun OLA, ningun momento a bende ni lo bende Setar tampoco. Ningun momento Minister Junior Croes yiu di un lider grandi manera Betico Croes a bende patria djs pa probechonan personal ni di negoshi. E maneho di Minister Junior Croes, sosteni pa gobierno ta angra den e acuerdo di principio, acuerdo di gobierno y den su

Condicion di hoben stabil den Hospital

ORANJESTAD (AAN): Condicion di e joven interna na Hospital, debi na overdosis di droga, lo ta stabil. Mientras tanto tin informe nan ta drenta indicando cu e supuesto substancia cual lo a suministra e joven ta bini for di den bario di Tanki Leendert.

Den curso di ayera lo e lo tin informe ta indica cu autoridat lo tin cu profundiza den e caso aki y seguramente lo por saca afor na unda y kende lo a suministra e substancia cu a manda e joven bay off por completo.

Lo ta interesante pa saca afor kende lo tabata den compania di e joven algun ora prome el a worde hiba cas. Aki lo por bay saca afor informe nan cu por yuda pa detecta e fuente di suministra di e substancia cu casi causa biba di e joven interna.

Ademas e informe ricibi ta desmenti cu caso di e joven cu a fayece recien lo tin relaciona cu e joven interna na e momentonan aki. Nan no conoce otro segun e fuente a duna di conoce. E caso aki seguramente no mester worde sera y lo mester existi un investigacion mas profundo.

Ora cu traficante sea bende of suministra substancia e mester para responsable di su contenido. Esaki no ta e unico caso registra, como cu mas persona joven a yega di perde nan bida debi na e substancia sea bendi of suministra. Pesey DIARIO ta kere cu Ministerio Publico mester cay den e asunto aki pa pone man riba asesino aki.

nota di maneho, ta pa independiza Setar como tambe hinca e seccion di celular den un N.V. estatal separa. A.P.A. tambe ta un N.V. estatal o sea

di gobierno.

OLA ta puntra, tempo cu a haci A.P.A. un N.V. tabatin benta di patrimonio? No! Luchthavendienst tambe a bira A.A.A. N.V. cu ta un N.V. estatal; por papia aki di benta di patrimonio? No! Tele Aruba tambe ta un N.V. estatal. A bende patrimonio? No! Arubus tambe ta un N.V. estatal. A bende patrimonio? No! WEB y Elmar tambe ta N.V. estatal. A bende patrimonio? No! Pa colmo, tur compania cu a menciona a worde independiza door di gobierno di MEP cu excepcion di A.A.A. N.V., cu a worde independiza durante gobernacion di AVP/OLA. Hasta Setar e propio gobierno di MEP a independiza den un estructura otro cu un N.V.

OLA ta reta MEP pa prueba lo contrario. Pa culmina e ignorancia di gobernacion di MEP, pa gobierno por bende un di su companianan estatal e mester di 2/3 parti di voto den Parlamento.

Segun e reparticion actual, AVP y OLA hunto no ta yega un 2/3 parti. Ya cu MEP bao liderazgo di Nel Oduber a kibra record di añanan frustia den e banki di oposicion, ta bon pa MEP prueba ta ki dia e 2/3 parti di Parlamento a vota pa bende Setar.

Nunca! Ademas, si benta di Setar a tuma lugar, MEP tambe mester a vota na favor. Esaki ley ta prescribi y exige. Pues MEP ta un instigador y fulminador di calumnia.

OLA ta desmenti categoricamente cu tabatin benta di Setar. Institucion di Aruba Wireless Solutions N.V. ta un vision cu ta cuadra cu e mer-

cado internacional di telecomunicacion segun e propio investigacion cu International Telecommunications Union di United Nations a haci aki na Aruba.

OLA ta muestra cu nan Minister Junior Croes a suministra Parlamento completo cu copia di e raport aki. Pero teniendo na cuenta cu MEP aparentemente kier hinca Aruba bek den tempo di carvernico, nan inteligencia politico limita no ta permiti nan pa compronde e vision internacional aki.

Door cu Aruba actualmente tin como unico pilar economico, nos turismo,

OLA kier crea un estabilidad economico door di converti telecomunicacion den un otro pilar economico. Un otro departamento cu entrante 1999 lo worde independiza ta Postkantoor.

Servicio Postal tambe lo bira un N.V. estatal pues di gobierno. Den e independizacion aki MEP no tin ni e minimo interes. Nan fobia ta Setar unda cu nan kier tene un morto na bida pa nan por sigui causa discordia, manibrando conhuntamente cu S.T.T. pa nan sigui haci politica barata, sin contenido y sigui cu nan instigacion y pesimismo.

Cos ta bruy den Sindicato di Douane

ORANJESTAD(AAN) No ta den sindicato di polis so tin problemanan serio pasobra den sindicato di Douanero nan tambe cos no ta di gaba manera cu algun miembro a duna di conoce.

Tin un grupo di miembro di sindicato di Douane cu a harta y cu ta haya cu awor a bira tempo pa basha abao di cosnan cu no ta bon den e sindi-

cato.

E grupo preocupa ta haya cu e directiva di e sindicato SADA den pasado a tene negociacionnan di e famoso "SADA - CONVENANT" den secrecia y despues ta bin resulta cu tur secrecia tabata pa laga cierto hendenan reglanan nan promocionnan y posicionnan.

Asina tin mas punto di cual e grupo preocupa kier basha

abao riba dje y durante dianan venidero nan lo bay kita e tapa di secrecia cu tabata poni riba cierto asuntonan di cual te awe hopi miembro no tabata na altura di dje.

Asunto di overtime, Beatrix team y control riba narco trafico lo bay haya atencion di e grupo cu ta dispuesto pa basha abao durante dianan venidero.

WHAT GOES AROUND COMES AROUND!!

